



REPUBLIKA E KOSOVËS / REPUBLIKA KOSOVA

GJYKATA THEMELORE GJAKOVË

Numri i lëndës: 2024:064466

Datë: 28.03.2024

Numri i dokumentit: 05521651

NË EMËR TË POPULLIT

GJYKATA THEMELORE NË GJAKOVË – Departamenti i Përgjithshëm – Divizioni Penal, gjyqtari Driton Sadiku, me bashkëpunëtorin profesional Sefedin Avdijaj, në lëndën penale ndaj të pandehurit H.K., nga Rahoveci, për shkak të veprës penale kanosja nga neni 181 par.1 të Kodit Penal të Republikës së Kosovës (në vazhdim KPRK-së), i akuzuar nga Prokuroria Themelore në Gjakovë – Departamenti i Përgjithshëm sipas aktakuzës me numër PP/II.nr.04/2024 të datës 24.02.2024, e dorëzuar në gjykatë me datën 26.02.2024, duke vendosur lidhur me propozimin e prokurorisë për dhënien e urdhrit ndëshkimor, jashtë shqyrtimit gjyqësor, me datën 28.03.2024, mori këtë:

A K T G J Y K I M

PRANOHET kërkesa e Prokurorisë Themelore në Gjakovë - Departamenti Përgjithshëm, për dhënien e urdhrit ndëshkimor PP/II.nr. 04/2024 të datës 24.02.2024, gjykata ne kuptim të nenit 495 të Kodit të Procedurës Penale (në vazhdim KPP-së), jep këtë:

URDHËR NDËSHKIMOR

I pandehuri:

H.K., nga i ati .., e ëma ...vajzërisë .. i lindur me datën .. në fshatin .. Komuna e Rahovecit, ndërsa tani banon në rrugën “ .. p.n, Komuna e Gjakovës, ka të kryer shkollën e mesme, i gjendjes së mesme ekonomike, i martuar, shqiptar, shtetas i Republikës së Austrisë me numër personal ..

Ë S H T Ë F A J T O R

Sepse me datën 22.08.2019, në Gjakovë, me fjalë e kanos tjetrin se do t'i shkaktojë ndonjë të keqe dhe atë të dëmtuarin K.K., në atë mënyrë që, si rrjedhojë e problemeve të me hershme në mes të dëmtuarit dhe të pandehurit, ditën kritike të pandehuri përmes telefonit nga numri ..., i dërgon të dëmtuarit një audio-incizim me fjale kanosëse duke i thënë: *"O K.. H..i jam, i ke 24 orë kohë mëm kallxu me kon e ki pa gruan time që pi thu kurvë nëse nuk kallxon për 24 orë, besën po ta jap vetëm në Kosovë mos shkelësh edhe mos mujsha me dit adresën ku je"* veprime këto të pranuar edhe nga vet i pandehuri, me ç' rast tek i dëmtuari ka shkaktuar frikë, ankth, dhe pasiguri për jetën e tij.

- me këto veprime ekziston dyshimi i bazuar mirë se ka kryer veprën penale kanosja nga neni 181 par.1 të KPRK-së.

Andaj gjykata në kuptim të nenit 4, 38, 40 par.1 pika 1.3, 43, 69, 70 dhe 181 par.1 të KPRK-së, si dhe neni 364 të KPP-së, të pandehurit i;

SH Q I P T O N

- I. DËNIM ME GJOBË në shumë prej treqind (300.00) euro, të cilin dënim i pandehuri është i obliguar që ta paguaj në afat prej pesëmbëdhjetë (15) ditëve nga dita e plotfuqishmërisë së këtij aktgjykimi.
- II. Nëse i pandehuri nuk dëshiron ose nuk mund ta paguajnë dënimin me gjobë, atëherë të pandehurit dënimin me gjobë i zëvendësohet me dënim me burgim në kohëzgjatje prej pesëmbëdhjetë (15) ditëve, ashtu që për çdo ditë të kaluar në burgim do të llogaritet nga njëzet (20.00) euro.
- III. I dëmtuari, K.K., nga Gjakova, rruga "...", p.n, për realizimin e kërkesës pasurore juridike udhëzohet në kontest të rregullt juridiko - civil.
- IV. Detyrohen i pandehuri që t'i paguaj shpenzimet e paushallit gjyqësor në shumën prej njëzet (20.00) euro, si dhe shpenzimet për programin për kompensimin e viktimave të krimit shumën prej njëzet (20.00) euro, të gjitha këto në afat prej pesëmbëdhjetë (15) ditëve nga dita e plotfuqishmërisë së këtij aktgjykimi.

A r s y e t i m

Prokuroria Themelore në Gjakovë–Departamenti Përgjithshëm, në këtë gjykatë ka parashtruar aktakuzën me numër PP/II.nr.H.K., nga Gjakova, për shkak të veprës penale kanosja nga neni 181 par.1 të KPRK-së, me kërkesë për dhënien e urdhrit ndëshkimorë, duke i propozuar gjykatës që të pranoi kërkesën për dhënien e urdhrit ndëshkimor dhe të merr aktgjykim pa e mbajtur seancën e shqyrtimit kryesor, dhe të pandehurit të i shqiptoj dënimin me gjobë, me arsyetim se ka prova të mjaftueshme se i pandehuri ka kryer veprën penale e cila iu vihet në barrë.

Pas shikimit të shkresave të lëndës dhe provave që gjinden në shkresat e lëndës, gjyqtari i vetëm gjykues gjeti se janë plotësuar kushtet ligjore nga neni 493 par.1 të KPP-së dhe në kuptim të nenit 495 par.1 të KPP-së vendosi që ta pranojë kërkesën për dhënien e urdhrit ndëshkimor.

Gjykata konsideron se provat e bashkangjitura në shkresat e lëndës si: raporti fillestar i incidentit, nr.2023-EA-1447, i datës 07.10.2023; raporti i policit T.K., ID#11594, i datës 07.10.2023; deklarata e të dëmtuarit K.K., të dhënë në Polici, me datën 10.10.2023; deklarata e të pandehurit H.K., të dhënë në polici, me datën 29.12.2023; CD-ja me audio incizime të cilat i janë dërguar të dëmtuarit, si dhe shkresat tjera të lëndës, janë prova të besueshme mbi bazën e të cilës vërtetohet se i pandehuri ka kryer veprën penale për të cilën është akuzuar.

Gjykata këtë dënim e ka shqiptuar me bindje se me të njëjtin do të arrihet qëllimi i dënimit në vështrim të nenit 38 të KPP-së, që të parandaloj kryerësin nga kryerja e veprës penale në të ardhmen dhe të bëjë rehabilitimin e tij, që në të ardhmen i pandehuri të ketë kujdes të shtuar që të mos bie në kundërshtim me ligjin, pasi që gjykata mundet të ashpërsoj dënimin kundër tij, po ashtu të parandaloj personat tjerë nga kryerja e veprave penale si dhe me këtë dënim të shprehë gjykimin shoqëror për veprën penale të kryer dhe të ngritë moralin dhe forcimin e detyrimit për respektimin e ligjit.

Vendimi për udhëzimin e palës së dëmtuar në kontest civil për realizimin e kërkesës pasurore juridike është marrë duke u bazuar në nenin 462 par.2 të KPP-së.

Vendimi mbi shpenzimet e paushallit gjyqësor është marrë në bazë nenit 450 par.1 dhe 2 nënpar.2.6 lidhur me nenin 452 par.1 të KPP-së, ndërsa për programin për kompensimin e

viktimave të krimit në bazë të nenit 36 par. 3 nënpar.3.1 të Ligjit për kompensimin e viktimave të krimit.

Nga sa u tha më lartë u vendos si në dispozitiv të këtij aktgjykimi.

GJYKATA THEMELORE NË GJAKOVË
Departamenti i Përgjithshëm – Divizioni Penal
2024:064466, më datën 28.03.2024

Bashkëpunëtori profesional,
Sefedin Avdijaj

Gjyqtari i vetëm gjykues,
Driton Sadiku

KËSHILLË JURIDIKE:

Kundër këtij aktgjykimi të pandehurit dhe mbrojtësit e tyre mund të ushtrojnë kundërshtim në afat prej tetë (8) ditësh nga dita e pranimet të tij, kundërshtimi paraqitet në këtë gjykatë. Nëse nuk ushtrohet kundërshtim brenda afatit të përcaktuar, aktgjykimi do të merr formë të prerë dhe ekzekutohet dënimi i shqiptuar.

Numri i lëndës: 2024:064466
Datë: 28.03.2024
Numri i dokumentit: 05521651